



Januuarip 13-at 2012

Matumuuna Inatsisartut suleriaasianni § 37 imm 1 naapertorlugu Naalakkersuisunut apeqquteqarpunga:

**1) Aatsitassarsiorniarlutik nunatsinnut soqutiginnittunut tamanut CO2-mut aniatitsinermut tunngasortaatigut Naalakkersuisut qanoq politikkeqarfigineqarpat?**

**2) Aatsitassarsiorumallutik nunatsinnut soqutiginnittut aallartitserusuttullu pillugit erngup nukinganic toqqammaveqartumik nukissiuteqarnissamik Naalakkersuisut piumasaqaateqarpat?**

**3) Erngup nukinga atorlugu nukissiuteqartoqarnissaanik Naalakkersuisunit piumasaqaateqartoqannigippat taava CO2-mik aniatitsinermut akitsuuteqartitsisoqarnissaanut pilersaaruteqartoqarpa?**  
(Aleqa Hammond, Siumut)

#### **Tunngavilersuut:**

Nunarput pisussaaffeqarpoq CO2-mik aniatitsinerup millisarneqarnissaanut sapinngisamillu tamanna aniatitsinermut tunngasutigut annikinnerpaaffimmititsinissamut politikkeqarnissamut pisussaaffiliilluni. Aatsitassarsiorumallutik soqutiginnittunut siunissami nunatsinniit Naalakkersuisut qanoq politikkeqarnersut paaserusuppara ilanngullugulu paaserusullugu CO2-mik aniatitsisinissamut aningaasatigut nunatsinnut akitsuutitigut akiliisassanersut.

Kissaatigaara apeqqutima ullut suliffiusut qulit qaangiutsinnagit akineqarsimassasoq.